

第五〇二冊

博物彙編

神異典

僧部

(卷)

一五—六

古今圖書集成

中華書局影印

欽定古今圖書集成博物彙編神異典

第一百五十二卷目錄

僧部列傳二十八

唐四

海順附行友 慧本

神迴

道岳附明略

神照

神素

元續

道基附慧景 寶通

道慈附道謙

曇藏

僧鳳附法位

功迴

道傑

法護

慧璧

智琰

慧頤

神異典第一百五十二卷

僧部列傳二十八

唐四

海順附行友 慧本

按續高僧傳海順姓任氏河東蒲坂人容貌方偉音韻圓亮長面目少髭髯儀服不羣於衆有異少處寒素生於田野早喪慈父與母孤居孝愛之情靡由師傳廉直之性獨拔懷抱每恨家貧無資受業故年在志學尚未有聞乃慷慨辭親脫落求道出家依于沙

門道慈慈道光元曹名扇儒宗具見後傳順躬事學禮晝夜誦經初無暫替文不再覽日殆三千歲登其受履操逾遠志業九男念定所持誓無點累仍以威儀疊著身過可防語笑易爲口非難護乃因他思緘默不言却掃蓬扉事心而已方以學行之始慧解爲先遂閱討衆經服膺元宰方等諸部咸稟厥師皆探蹟研機遺言領意有栖巖寺沙門神素者性好幽栖尤專大論順遠承奇調思扣冲關荷軼登峰諮參講肆徒屬既衆鑽仰殊多有所詢求但舉綱要順頻時時屢請徵以爲繁雖慍色不形而勞心可驗順遠巡退席曰昔陳亢問一得三今者請一蒙二亦何遽乎曰何謂耶答曰一則見忤一則聞義素既悟其所迷因斯自革於是無疑不斷有滯必申至於難心槩括備在婆沙研精專一始終該統或下山分衛而執卷披文或企足接明假照尋讀莫不洞開樞要妙鑒幽原順嘗以餘席言於素曰海順曠劫深九不逢賢聖周旋五趣莫能自免致生茲穢土對此凡緣未能出有欲河登無爲岸將不由心駒失轡而晦沉坑陷者乎因涕泣濡襟歔歔哽塞又曰每念二輪交轍思駕何由六道長驅思歸無路言及斯事載懷惶悚且生得爲人啓期亡憂於貧賤出家弘道僧度不易於公侯順今兼之一何可慶又以大冥之室仰屬傳燈雖不面奉如來而幸遇法師耳不量短絙輒授深源願得賜以明珠投之渾浪如此則一生有獲千載無恨也遂卽言笑如常客儀自若素曰敢聞君子志矣恐不副雅懷素後累居僧任果停講席順以法輪罕遇遂欣禪味有沙門道傑者穎秀定慧希慕風景乃致

書曰敢稽首大師門下每欲理靜誠心出泉華志恆以無明大夜非慧炬不顯我獨寄法筵聽覽元旨至於人物聚集煩勞低仰力力大限有年小期一念從風燭前路奚憑所以繫羈縶之業慧王里之選定門元妙輒希超入逆其不逮遂用權相伏願開含養之懷退人以禮俸得盡其說極玩揚也乃被召促路非騏驥之逸轡灌木豈是鸞鳳之栖應故當引木而沐枯魚戢翼而朋寡鶴耳脫其不爾幸無略光陰順得書會疾遂不果行而爲人高簡雅素自歸清衆絕交氓俗嘗有說種姓高尚祖禰榮貴者以誇於順順莞爾而笑曰我釋種餘暉法王之予尚須謙讓自下不敢做誕欺人豈期庸庸之徒翻欲恃鬼陵物遂振手而去故趨時之士皆不及其門反俗之賓頗入其室而道行純潔性好追蹤會刺血洒塵供養舍利兼以血和墨書七佛戒經克己研心類皆如此嘗尋付法藏傳說如來涅槃法付承繼迄於師子闍寶囑累斯盡詞事既顯若親面焉因斯悽感涕零如雨曰恨不及彼聖人拔茲沉俗也又常於宵分歸命三尊同住鄰居無得聞者或解衲覆彼寒夫或減食而充餒者志好恬愉無求知足有贈衣帛者終不以介意曾從容曰自任則樂而未會制物從我隨物則苦而未會以我違物且鳥不栖淵魚不巢樹未必解修和讓之道而各得其所宜者亦猶我不奪物榮物不好我辱矣又作三不爲篇其一曰我欲偃文修武身死名存研石通道祈并流泉君肝在我我身處邊荆軻拔劍毛遂捧盤不爲則已爲則不然將恐兩虎共鬪勢不俱全未存今好長絕來恐是以返跡荒逕息影

柴門其二曰我欲刺股錐刀懸頭屋梁書臨雪彩牒映螢光一朝鵬舉萬里鸞翔縱任才辯遊說君王高車返邑衣錦還鄉將恐鳥殘以羽蘭折由芳籠餐詎貴鉤餌難嘗是以高巢林藪深穴池塘其三曰我欲街才驚德入市趙朝四衆瞻仰三槐附交標形引勢身逢名起箱盈綺服厨富甘有諷揚絃管誅美歌謠將恐塵栖弱草露宿危條無過日旦靡越風朝是以還傷樂淺非惟苦遙順神暗駭羣出言可錄著集數卷于時真法陵運俗尚諛諂言敏行者爲愚巧詞

令色者爲智廉潔正性衆或致議故順理貞直之心居危不亂涅而不緇可謂懷素風焉有沙門行友者志行嚴正才慧英悟與順素交因疾發候順曰先民有言古之學者爲己今之學者爲人三復斯言一何可信世人强求知解而不欲修行每思此言良用悽咽吾謂夷煩殄惑豈直專在說經以法度人何必登高座授非其器則虛失其功學不當機則坐生自惱友遂舉息心論以對之文甚宏冠順曰觀弟此作理如未盡友曰息心之論應有數篇謂顯觀述宗釋疑成義但以理元詞密非當世之所聞故容與於靈津戰慄而未進慨時哉之不遇始絕絃於此耳順乃重說遺教悲歎無已先有沙門慧本者逸亮高世僧也思與順結山林之操會順方學問未暇允之本獨謝時世問測所往後每思之言輒凄泣曰本公若乘龍之遊濯足雲表吾雖攀戀自恨縈身器俗升沉相異徒爲悲矣且忘懷去來者朝市亦江湖登情生死者幽栖猶桎梏苟其性之不失不無居而不安其得志慕情爲如此也于時臥疾連稔自知不全遺文累

紙呈諸師友而形同骨立情爽逾健旁問後事順曰患身爲穢器暫捨欣然魚鳥無偏水陸何簡然顧惟老母宿緣業重今想不得親別矣若棄骸餘處儻來無所見有致煎惱但死不傷生古言可錄順雖不幸豈敢以身害母耶既報不自由可側樞相待遂令遜法師說法領悟欣然須臾卒於住寺春秋三十即唐武德元年八月十五日也又沙門行友者被召弘福院充翻譯之選建名時俗云

曇藏

按續高僧傳曇藏姓楊氏弘農華陰人家世望門清心自遠年十五占者謂爲壽短二親哀之卽爲姻媾既非本情慮有推逼遂逃亡山澤惟念誰度行至外野少非遊踐莫知投造但念觀音久值一人貌黑而驅二牛因問所從可得宿便告藏曰西行有寺不遠當至尋聞鐘聲忽見僧寺因求剎落便遂本心即遣出門可行百步迴望不見久乃天明西奔隴上求法爲務晚還京邑於旌善寺行道受戒聽諸經律意有所昧又往山東彼岸諸師競雷對講地持十地名稱普聞故東漸海濱南窮淮服聽涉之最無與爲傳及返京師住光明寺論發新異擅聲日下獻后既崩召入禪定性度弘裕風範肅成故使道俗推崇綱維領袖恆爲接對之役也賓客席上之美談叙曠世之能見之今矣大唐御世造寺會昌又召以爲上座撫接長幼殊有奇功貞觀經釋又召爲證義時以藏威烈氣遠容止清肅可爲典善寺主藏深懷禮讓用開賢路乃薦藍田化感寺潤法師焉卽依其言舉稱斯目及皇儲失御便召入宮受菩薩戒翌日便瘞敕賜

緇數百段衣對亦爾度人三千并造普光寺焉尋又下敕得遙受戒不藏曰地持論云若無戒師發弘誓願得菩薩戒因進論文敕乃以微詞令藏披讀至皇后示疾又請入宮素患腰脚敕令與至殿殿受戒施物極多並充功德至貞觀九年三月十八日終于會昌寺春秋六十有九哀慟兩宮弔贈相次謚葬郊西嚴村起塔圖形東宮詹事黎陽公于志寧爲碑文建于塔所

神迴

按續高僧傳神迴姓田氏馮翊臨晉人弱齡挺悟辭恩出俗遠懷匠石備歷艱虞問道海西包括幽奧博採三藏研尋百氏年未及冠蔚爲鴻彩雖廣融經論而以大衍著名至於所撰序引注解羣經篇章銘論合四十餘卷每於春初三月放浪巖阿迄於夏首方還京邑漁獵子史諷味名篇逸調橫馳頗以此而懷簡傲也兼以嘲諷豪傑辯調內外陵轢倫右誇尚矜莊京邑所推侯王挹仰又以旬暇餘隙遊歷省臺預是文雄通名謁對或談叙儒史或開悟元宗優遊自任亦季世縱達之高僧也故華嚴英俊爲之諺曰大論主釋迴迴法界多羅一特領以其堅論之時必令五三人別難後乃總領迴之故懷斯目矣大業十年召入禪定尋又應詔請入鴻臚爲數大論訓開三韓諸方士也貞觀三年以正道所歸通務爲則遂擁錫庸蜀流化岷峨道俗虔虔靡若風草法流臺臺所至汪濊以四年七月一日遷於法聚寺春秋六十五矣四衆哀慟悲其爲法來儀未幾而終素懷莫展益州官庶士俗以同舟別道爭趨奔於葬所素幘竟野香

煙蔽空萬計哀號聲動天地於昇遷橋南焚之遵遺令也弟子元督收其餘骸與同學元究等於終南山仙遊寺北而緒塔焉究爲文銘於塔所

僧鳳附法位

按續高僧傳僧鳳姓蕭氏梁高其族祖也曾祖懿梁侍中宣武王太父軌梁明威將軍番禹侯顯考長陳招遠將軍新昌守鳳以族胄菁華鳳望高遠置情恢廓立履標峻昔在志學聰慧夙成文翰曾映聲辭超挺所製新文百有餘首冠出儒林識者咸謂固得早發延譽令逸京阜開皇之始僧曇法師名重五都學周八藏乃委心請道歸宗師傳聚其精爽美其器略授以真乘開十等之差導以元辨疎八勢之位鳳雅有幽度領覽無遺勝氣邁於比肩賦命懷於前達時倫相顧曰師逸功倍聞之昔人冰涼清厚驗之今日會隋煬負圖歷試黃道大業中歲駐蹕南郊文物一盛千年罕及欲以軍威帝業激動鬼神乃高飾黃麾盛陳白羽霜戈耀日武帳彌川皂素列於朝堂下敕曰軍國有容華夷不革尊主崇上遠存名體資生運通理數有儀三大懸於老宗兩敬立於釋府條格久頒如何抗禮黃老子女承聲下拜惟佛一宗相顧時立沙門明瞻率先答詔具如別傳然救頻催何爲不禮鳳時爲崇敬寺主依例被追乃擺撥直進援引經論明不可敬之理僉詳贈鳳抗詔之儀可謂蘭菊各擅其英華竹柏互陳其貞節不可削也獻后云崩禪定斯構下詔辟召來萃道場相從講解迄於暮齒善綜引安機要難問失緒顯論攸歸貞觀中年釋門重闡青田有穢白首斯與非夫領括無由弘護中書

舍人杜正倫下救監掌統詳管轄奏名以爲普集寺住尋更右遷定水上座綏綽二寺無越六和妙達衆心欣其仰止年及繼心更新誠致繁維塵境放曠山林言晤相諒終事畢矣有岐州西山龍宮寺遠來請講深幸素心承彼北背層巖南臨清渭石鏡耀日松蘿冒空暢悅幽情即而依赴大開法觀導引慧蹤遂使道俗來蘇聞所未有既而厚夜懷感常志言前悲各增慨彌隆遐想以其年暮月二十三日因疾終於彼寺春秋七十有七初以疾亟委臥猶存弘法精爽不移乃力疾而起曰妙法華經最後言別終須一釋用通累念遂對衆開之下坐帖然奄爾神逝於岐州陳倉縣龍宮寺士俗官庶痛心疾首喪我所天非夫陳述昭穆安親乃遷靈於縣郭之北原鑿窟處之仍施白塔茗然望表遠近瞻矚無不涕零有弟子法位學聲早被言悟清遠以終天難補英聲易塵匪假陳揚於何取則乃於定水寺爲建一碑程器萬古其文左僕射燕國公爲製惟鳳立性於壯氣厲羣伯吐言爽朗晤涉奔隨以般若爲心田以涅槃爲意得講法華經百有餘遍製疏命的亦是一家餘諸經論待時而舉初鳳之往西山便雷遺疏述其遠度累以餘緣恰達彼寺因而不返樂天知命何以加之

道岳附明略

按續高僧傳道岳姓孟氏河南洛陽人也家世儒學專門守業九歲讀詩易孝經聰敏強識卓異倫伍父葛仕隋爲臨潁令治聲遠肅有隱士西門義者博物疎通伏通巖谷前後令召莫能致之至是步自山阿來儀府舍謂銓下吏曰西門義至爲吾白之即以事

聞令素仰高風駭其率止延席曰先生道扇三古德重四民何能輕舉義曰吾自弱歲隱淪於茲暮齒誠不欲干遊人世也誠棄智項者吹聲既靜則良政字民五袴興謠兩岐成詠有欣美化故不以籍隱自私敢叙斯事令述其不逮問其治術對答若神情兼明舉乃命諸子紹續續曠岳略等列於義前令其顧指義曰府君六子誠偉器也自長而三州縣之職保家自若也已下之三其志遠其德高業心神道求解言外固非世局之所常談也曠年十七遂得出家操行自固志懷明約善大論及僧祇深鏡空有學徒百數禪觀著績物務所高即洛陽淨土寺明曠法師是也岳十五出家依僧曇法師爲弟子少樂學問經論是欣及具篇禁更宗律部指途持犯性不議非而體貌魁美風操高厲容止儼然不妄交於道俗後習成論雜心於志念智通二師備窮根葉辭義斯盡有九江道尼者創弘攝論海內知名以開皇十年至自揚都來化京華親承真諦業寄傳芳岳因從受法日登深解以衆聚事擁惟其廢習欲欲栖形太白服業倫貫持太白寺慧安者個儻多知世數闊達方丈一字方寸千文醫術有工經道偏練日行四百相同夸父世俗所謂長足安是也岳友而親之便往投造告所懷曰毗曇成實學知非好攝大乘論誠乃精微而傳自尼公聽受又抄今從物化請益無從中路徘徊伊何取適昔天親菩薩作俱舍論員諦譯之初傳此土情寄於此耳安曰願聞其志岳曰余前學羣部悉是古德所傳流味廣周未盡於後惟以俱舍無解遂豈結於當來耶安曰志之不奪斯業成矣後住京師明覺

寺閉門靜故尋檢論文日讀其詞仍洞其義一習五載不出住房惟除食息初無閑暇遂得釋然開發了通弘旨至於外義伏文非疏莫了承三藏本義並錄在南思見其言載勞夢寐乃重賂遺南道商旅既憑顯是重所在追求果於廣州顯明寺得俱舍疏本并十八部論記并是凱師筆迹親承真諦口傳顯明即凱公所住寺也得此疏本欣載御懷諷讀沉思忘於寢食乃重就太白卒其先志於即慶弔絕緒尋繹追功口腹之累惟安供給時穀食不豐菜色相顧安庶事經勞始無匱乏綿歷歲序厥志彌隆內慚諸己乃謝安曰岳今至愚為累獨學成議輒不量力欲希非分一不可也食為民本名作實實苟求虛譽遂勞同志二不可也斯過弘矣誠可退迹沉浮更勞重累則不可也安曰功業將成幸無異志嘉會難再無思別慮復延兩載方始出山乃以己所尋知將開慧業遊諸講肆清論莫窮大業八年被召住大禪定道場今所謂大總持寺是也時年四十有四少齒登器莫匪先之此時僧衆三百餘人令德風規互相推讓岳以後至名重學不從師雖欲播揚未之有許時有同德沙門法常智首僧辯慧明等並名稱普聞衆所知識相為引重創為請主岳搗謙藏器退辭師授徒累清言終懇疎略慧明等越席揚言曰法師何辭耶吾等情均水乳義結相成掩德移機恐爽靈鑒又人世飄寄時不再來幸不相累岳顧諸意正乃首登焉遂以三藏本疏判通俱舍先學後進潛心異論皆曰斯文詞旨宏密學爽師資縱達一朝誠自誣耳當伺其談叙得喪斯及矣岳自顧情王虛宗初無怯懦舉綱頓

網大義斯通雖評論鋒臨而響應隨遺衆咸不識其戶牖故無理頓聯辭由是名振學宗法筵繼席咸舉賢良推師有寄武德初年從業藍谷化感寺側巖垂乳水岳往承之可得二升懸滴便絕乃曰吾無感也故使輟流遂以殘水寫滴下湮中一心念誦日取一升經六十日患損方復又至二年以三藏本疏文句繁多學人研究難用詳覽遂以真諦為本餘則錯綜成篇十有餘年方勒成部合二十二卷減於本疏三分之二並使周統文旨字去意留兼著十八部論疏通行於世以爲口實又初平鄭國有宗法師者神辯英出時所異之皇上延入內宮立三宗義岳問以八正通局聖賢後責纔施無言以對坐見其屈乃告曰京室學市談衍實希三宗之大於何自指及高祖之世欲使李道東移被於鳥服度人授法盛演老宗會貞觀中廣延兩教時黃中劉進喜創開老子通諸論道岳乃問以道生一二徵據前後遂杜嘿焉岳曰先生高視前彥豈謂目擊耳通乎坐衆大笑而退故岳之深解法相傳譽京國矣至六年秋八月岳兄贛公從化悲痛纏懷徒屬慰曰人皆有死惟自裁抑岳捫淚曰同居火宅共溺愛流生死未斷何得不悲聞者義之以爲善居道俗之間也貞觀初年有梵僧波頗在京傳譯岳爲衆舉預其同列頗聞善於俱舍未始重之謂人曰此論本國學者之英華浮情不敢措意今言善者不有謬耶因問以大義并諸異論岳隨其慧解應答如流頗曰智慧人智慧人不言此慧吾與爾矣自爾情敦道術厚密加恆八年秋皇太子召諸碩德集弘文館殿講義岳廣開術術延對諸賓酬接

覆却神旨標拔太子顧曰何處法師若此之辯也左庶子杜正倫曰大總持寺道岳法師也法門軌躅學觀所宗太子曰皇帝爲寡人造寺廣召名德而此上人猶未受請何耶倫曰虞舜存許由之節夏禹順伯成之志彼乃俗流猶從矯逸况方外之士棄名之人臣輒從其所好耳乃下令曰今可屈知寺任允副虛襟岳動容屢辭不免遂住普光以貞觀十年春二月遘疾彌留諸治無效春坊中使相望於路遂卒於住寺春秋六十有九皇太子令曰普光寺上座喪事所資取給家令應使豐厚無致遺約仍贈帛及時服法衣等俄而有敕復官給葬儀送於郊南杜城之西隅岳弟明略身長七尺三寸十九出家志懷遠悟容儀清肅特善涅槃學人從集有聲京洛住東洛天宮寺貞觀九年入朝奉慰時四海合達總集帝京惟岳及略連枝比曜時共美之及事緣將了言歸東夏岳惘然曰吾同氣四人並先即世惟余與爾相顧猶影自曠師沒後心常快快恐藤鼠交侵歛然長逝異生難會可不思耶吾將耄矣其能久乎集會又難爾其且止因斯便住恰至明春岳便辭世略之銜悲痛結帶疾還寺以十二年卒於所住春秋六十七矣

功迴

按續高僧傳功迴姓遼汴州沒儀人年六歲便思出家慈親口授觀音經累日而度自此專訓經法九歲而送在寺年十六捨俗服志願山居因入秦嶽苦心忘倦年二十五便事弘法師私自惟曰拱默山林乃是一途獨善至於導達蒙督維持餘寄非化誘不弘住汴州慧福寺昔在山中十地勝覺已曾講解及遊

城邑人有知者勸而說之遂因開揚諸經論等亦備敷說晚以法華特爲時要便撰疏五卷鎮常弘演前後五十餘遍每至藥草品天必降雨故其幽誠徵感爲若此也其佛地般若制疏并講津濟後學聲滿東川又撰無性攝論疏厥功始成奄然長往於本寺年六十六余聞之行人曰其人少欲自節衣布坐茅所獲利祿隨時散盡房無遺篋四壁廓然未終之前異香靈光至所住至二夜四至自觀嘉相門人同美迴日願乘此瑞往生樂土因不食二十日而終所飲井水終日泉竭殯經數日水方復舊道俗悲涼通感若此

神照

按續高僧傳神照姓淳于汴州中牟人年九歲隋亂眷屬凋亡惟母及身萍流無託未幾母崩投造無指朝求木實夕宿屍所行住見之莫不下泣年十二投尉氏明智律師而出家焉於時載揚律藏學徒雲集宇內初定餼粒未充照巡村邑負糧周給年經六祀勞而無倦供衆之暇夜誦法華勝覺經雖久人無知者受具聽律每發奇思前學之流驚其迴悟又往鄴下休法師所聽攝大乘論一遍無遺講辭還休送出寺學門怪異休顧曰斯是河南一遍照也後生領袖爾其知之又往許州空法師所聽維心論纔始八卷爲師疾而返後因遂講之初後通貫時人語曰河南一遍照英聲不徒召爾後涅槃華嚴成實雜心隨機便講曾不辭退又造像數百鋪寫經數千卷任緣便給不爲藏蓄新譯能斷金剛般若初至披讀尋括詞義似少一行遂以情側注及後具本果與符同時

咸訝其思力也貞觀中患疾逾久而戒行無玷卒於安業本寺春秋五十有九初平素日一狗將養所往恆隨及鄰大漸長號哀厲通背向本出家寺往返二百餘里繞寺號呼以告彼衆素不知也凶問後至方委狗微及賻還返安業掩坎之後長眠流淚不食而殯

道傑

按續高僧傳道傑姓楊其先弘農漢太尉震之後也苗裔復居河東安邑之鳴條焉天懷穎發廓然物表年纔小學便就外傳教以書計典籍粗知大略然以宿植德本情厭俗塵父母畱戀抑奪不許開皇十一年歲將冠肇垂翼東飛投聞喜橫水窟眞瑩法師瑩鑒其高拔即而剝落尋與受具令學涅槃等經性淨修明開持鏡曉後往峴頭山誦法華經月便度深自惟曰經不云千寧願少聞多解義味欲得通要必俟博遊開皇十四年往青州何記論師所聽探成實經涉二年功高四載記顧曰吾子形貌傀偉清對有方學淺而思遠吾論其與矣儻子存於始卒吾當誨而不倦無幾而記遷化遂爾周流齊土時有裴寂安藝並號哲人從之受道多識前令又往滄冀魏念二論師所聽毗曇論又於清河道尚汲郡洪該所俱聽成實始末四載傾窮五聚乃上下搜求以問法主每令該公延頸長息曰此子有拔羣之亮弘典論道其在于乎由是門人胥伏開皇十九年自衛適鄴聽林法師攝論又於洪律師所聽四分略知戶牖意在小說將事東行屬隋漢王召滄州志念河間法務長弘并部忽遇斯際即往從之聽仰迦延讀婆沙論首尾三

載頗極窮通然以先攻小學意爲弘顯大乘仁壽二年又依楞法師聽十地等論爾時法門大敝宗師雲結智景大論十力攝乘兩達涅槃律部一期總萃并晉中興乃歷遊講肆觀略同異凡經六載咸陳難擊故并州語曰大頭傑難人殺然其例並雖少而一微一責能令流汗文帝崩晉陽逆節便還故里講阿毗曇心又講地持各五六遍自惟曰徒事言說心路蒼茫至於起慧非定不發遂停講往麻谷依眞慧禪師學坐思擇念慧深入緣起慧歎曰常謂法師等一從名教難便亂流如何始習便能住想豈非宿習所致耶後依成實安般念處兩夕專想觀解大明便謂神素法師曰昨試依論文安般念觀境界極明而氣逼上心坐不安席欲除此患終須教遣請撰諸經安般同異編爲次第將依遺滯素乃取婆沙成實龍樹蘭若諸部明十六特勝六種安般之相以示之即依修習更逾明淨又往麻谷以呈所證慧曰善哉大利根者淋落泉中諸學生者未至此處武德元年請弘十地傑笑曰息駕修禪但名自利己法講揚法化誠爲利他至於俱利事須商度今當盡語夜默庶得小大通洽不亦可乎遂即長弘三十餘通常隨門學百有餘人堪外化者數盈二十斯人也剛決忠恕少慈希言擇交選士疎財薄食苦樂不言喜愠無撓栖巖一衆舉爲僧主解不獲免若浮雲焉以貞觀元年七月二十八日因疾卒山春秋五十五三十六夏初有桑泉樊綽者前周廢教僧也雖爲白衣常參法宇傑以國士遇之綽已前亡二女同夢其父乘虛而至曰吾生西方極樂土矣知傑師將逝故來迎接因往

栖巖其日傑患停講乃至壽終常見樊綽在傍合衆又聞空中伎樂異香故其去處雖遠不負弘道之功焉門人依西域闍維起塔供養

神素

按續高僧傳神素姓王字紹則其先太原遠祖勇從宦虞州遂徙居安邑鳴條之野焉少與道傑結張范之好相攜問道儒學之富禮易是長至於篇什繼美英彩故其遊學講肆周流國境必與相隨所習詞義博覽俊悟則難兄難弟也至於誦經學定當席索隱則後於傑文理會通素則先之爲傑出安般念觀令其徒滯如彼傳述大業四年傑公停講學門請素接軫相尋遂從命專講毗曇四十餘遍續講成實將二十遍自餘小部不足述之其爲講也片言契理少語釋多學者元悟聽覽不倦則傑高於素若多陳同異廣定是非鄭重校角開生覺意則素賢於傑所匠成者則蓋裕隆深英泰之徒是也故晉川稱爲素傑二公秋菊春蘭各擅其美然素溫恭退讓慈愛矜恕待士慕賢不伐諸己貞觀二年栖巖大衆請知寺任辭以法事相繼有阻僧綱衆又固請依傑師故事乃許之性寬厚善物性故得上下和睦風塵收靜以貞觀十七年二月二十三日卒於栖巖春秋七十二素一生行業屬想西方於臨終日召門人大衆爰逮家臣與之別已自跣趺坐正威容已令讀觀音經兩遍一心靜聽自稱南無阿彌陀佛如是五六又令一人唱餘人和迄於中夜端坐儼然不覺久逝依即坐殯肌肉雖盡骨生如初初終之夕如仁壽寺志寬法師夜坐如悶夢素來過同牀止息動動告別曰如來大悲

爲諸衆生曠切苦行動求大法流布人天欲使不絕我等雖居下流然佛道寄未能發揮道業遂有季位在素雖不肯深懷辜負每欲推命竭愚上干天聽今大運忽臨長辭永別好住努力寬送目極忽然而覺及明莫知因問須臾信至方知昨逝寬致書述懷與諸門人焉

法護

按續高僧傳法護姓趙本趙郡人祖康爲濟陰守子孫遂家焉隋初有趙恆者與清河崔汪以秀才擢第時號四聰即其父也家門清儉禮素自居護時冲幼戲則圖坐登講採花列供其父知爲法器十二遭父憂未幾又丁母難哀慟氣絕者數日服闋造河北衛部欲學儒術忽逢勝緣提誘誨以三界牢獄示以四大毒蛇如不早悟輪迴未已便依而落髮時年十五也畱誦淨名七日便度自是廣訊經誥訪無遠近遂往志念所聽毗曇法彥所聽成實縱橫累稔參預前蹤又聽律部薄閑持犯又往彭城嵩論師所以是攝論命家海內標仰服膺諸益無所辭焉指授幽明曲盡元致大業三年度僧化遠護應此詔名寔安陸侯而有勅遠召藝能住內道場時年三十有二既居慧日高彥成羣常講中觀涅槃攝論偈鄭既降太宗初入別請名德五人護居其例自此校角攝論去取兩端或者多以新本稱削未足依任而護獨得於心及唐論新出奄然符會以爲默識之有人焉貞觀十二年勅召人龍潛宅天宮寺仍知寺任勉人以德衆穆如也十七年七月二十一日曠時不豫因卒於房春秋六十有八護善外書好道術約已薄食解衣贖寒

結帶終歲不飾容貌而貴勝所重通方咸萃先服石散大發數日悶亂門人惶惶夜投餅滓詭言他藥後聞正色曰吾之見欺當自責耳然陷師於非道是何理耶遂不與言其確固例如此也然好施忘倦房無圭勺之儲但一牀一幾而已撰攝論指歸等二十餘篇初亡嵩山沙門智大者年九十餘傲然恬素不出三十餘年聞著杖策而至盡哀日經論之士精苦之倫代有人矣至於純直自然識量雅通者斯人歿後固絕蹤矣中書杜正倫來弔而爲銘焉

元續

按續高僧傳元續姓桑蜀郡成都人出家既久經綸道業涅槃成實所學之宗常講法華導引蒙曉然風彩高峻容止方復言談之際機候變通達外書工草隸時吐篇什繼美前修又能折節下人儻少道俗有才調者命來與語愛而狎之至於侯王雄伯名儒大德便傲然特立不以介意而神爽更高辯洽電疾有梓州東曹掾蕭平仲者梁高之孫也博學機關當時經偶往參談叙文集相示平仲尚之從客曰仰承高懷蔑略諸貴等今蒙禮顧深愧非人續曰諸貴驕蹇須以驕蹇對之明公汎愛故以汎愛相答仲曰法師從來不爾今日忽然疑是虛談恐非實錄答曰貧道待公之虛實亦如公遇續之虛實耳相與驢笑當爲寶園寺製碑銘中有彈老莊曰老稱聖者莊號哲人持螢比日用撒方塵屬有祭江道士馮善英過寺禮拜見而惡之謂續曰文章各談其美若相排毀未識所懷若不除改我是勅使當即奏聞續曰文章體勢非爾所知若稱勅使欲相威脅者我寺內年別差人

當莊此是勅許亦是勅使卿欲奏我我當莊人亦能奏卿英雖大恨無如之何寺僧五十雖並遲暮皆順伏之嘗見人述莊子鵬鷁之喻便歎曰莊蒙以小小極於此矣豈知須彌不吝金翅世界入於鄰虛井蛙之智穢人耳目後疾甚召僧集已罄捨都盡曰生死常爾願各早為津濟其夜命終貞觀中矣

慧壁

按續高僧傳慧壁姓弘蘇州嘉定人爰初胎孕母絕辛鯉及誕育後生嫌臭味故始自孩嬰至於七歲菜蔬飽腹諸絕希求出家依法流水寺嚴師明教隨順修奉冠肇已後周遊訪道無擇夷險四論三經諍詢賞要學既明達還返舊居四遠承風咸來請謁門人來去常數百人曉夕誨誘樂說無倦肯不著席四十餘年老無久力時撫臂几貞觀之末年七十餘伊人不遠辭狀罕傳四遠稱揚但云不可思議大德也至於登機對晤述作憲章高軌莫聞惡理諸古惜哉

道基

附錄

按續高僧傳道基姓呂氏河南東平人素挺生知譽標岐嶷年甫十四負峽遊彭城博聽衆師隨聞成德討論奧旨則解悟言前披析新奇則思超文外致使侍等高推前修仰止隋太尉尚書令楊素負材經國書奉清猷躬申禮敬叙言命理喧歎而旋顧諸辛伯曰基法師佛法之後寄也自見名僧罕儔其匹即請於東都講揚心論既風承風駕體預當衛遊刀衆部元機秀舉遂能談瀉河傾響對雷動於時大業初歲隋運會昌義學高於風雲縉紳峙於山嶽皆擁經講肆問道知歸踵武相趨遐邇麟萃乃續維心元章并

抄八卷大小兩帙由來共傳成得諸門自昔相導皆經緯剖製詞飛戾天控教抑揚範範前古自爾四海標領盛結慧日道場皆望氣相師指途知返以基榮冠望表韻逸寰中大業五年勅召來止遂即對揚元論允塞天心隋后解統元儒將觀釋府總集義學躬臨論場變駕徐移鳴笳滿於馳道御筵暫止駐蹕清於教門自大法東流斯席為壯觀也時披辯之徒俱開令譽及將登法座各擅英雄而解有所歸并揖基而為元宰既居衆望經綸乃心便創舉宏綱次光帝德百辟卿士咸異響而共嗟焉有隋墜歷寇蕩中原求禮四夷宣尼有旨乃鼓錫南鄭張教西岷於是巴蜀奔飛望煙來萃莫不廓清遊霧邪正分焉教闡大乘弘揚攝論釐改先微緝續亡遺道適往初名高宇內以聽徒難襲承業易迷乃又綴大乘章抄八卷並詞致清遠風教倫通故覽卷履賦者若登龍門焉信鴻漸之有日矣故貞觀帝里宇內知名之僧傳寫流輝實為符契但以世接無常生涯有寄將修論疏流爾而終以貞觀十一年二月卒於益部福感寺春秋六十有餘矣時彭門蜀壘復有慧賢寶暹者並明攝論譽騰京國景清慧獨舉詮暢元津文疏抽引亟發英彩暹神志包總高岸倫儔談論倚伏態出新異數術方藝無學不長自預比肩莫有淪溺末年耽滯偏駁遂掩微猷故不為時匠之所班列

智琰

按續高僧傳智琰字明璨俗姓朱氏吳郡吳人祖獻梁員外散騎侍郎父珉陳奉朝請琰託質華宗應生觀德母氏張夫人初懷孕日夢昇通元寺塔登相輪

而坐遠視臨虛曾無懼色斯乃得道超生之勝兆人師無上之奇徵是知二曜入懷雙龍枕蓂弗能及也誕育之後輒異情童秀氣貞心昂形瞻視八歲出家事通元疎法師為弟子提屢持衣恭侍弗怠瀉瓶執杓受道彌勤年十二妙法華經通誦一部明悟聰察咸謂神童乃自惟曰翼翼京邑四方是則何得久拘坎井乎時年十六即日出都聽報恩持法師講成實論聰慧夙成深智開發故得條振穎拔後來莫二屬持公南上法筵用輟因還故里觀省二親仍於本寺開弘經法峰峻峻峙辯對如流時年十九莫不嗟其少秀逾年返京從泰皇寺延法師進具德瓶儀鉢深護戒根大莊嚴寺婦法師德重中原名高日下乃依而請道重研新實意得情款功倍由來誠驥足之逢善馭也陳至德三年建仁王齋集百師百座競流天口之辯千燈七夜爭折動神之徵時年二十有二以英少之質發諸者德通情則高衡折機縱難亦大車杆軸皇上欣賞百辟嗟稱莫不愛其閑典服其敏捷每以人世驚難幽棲清曠屬陳氏喪鼎便事東歸削迹武丘將三十載憑巖面經任三業而閑安酌澗披松隨四儀而宴處雖形隱而名揚亦道潛而化洽於是八方歸仰四部虔心尚書令楚國公楊素經文緯武王佐國均乘貴負才未嘗許物行軍淮海聞琰道勝棲山鳴鑣赴隴傾蓋承顏五體投誠恨接足之晚左僕射邵國公蘇威重道愛仁彌賞閑放奉使吳越躬造山楹觀貌餐音度拜欣躍踴帝居藩維揚作鎮大招英彥遠集賢明琰既道盛名高教書愛及慮使乎之負罪嗟以己之累人乃披衣出谷蒙敦厚禮因

以辭疾得返舊山隋文遠欽爰降書問屬炎曆有終鋒鏑騰沸四海同敵三吳益甚檀越子弟迎出毗壇首尾十載化行常部大唐統字咸返舊居武德七年蘇州總管武陽公李世嘉與內外公私同共奉迎還歸山寺於是禪賓慧侶更復曩時龍沼鳳林信爲懷喜然球自他兩化得離俱修講念之餘常行法華金光明普賢等懺悔又誦法華三千餘遍感應冥祥神瑞非一宵爐未熱自起煙芬夕罐纔空酒加溢水又願生淨土造彌陀像行三種淨業修十六妙觀與州內檀越五百餘人每月一集建齋講觀勝輪相踵將逾十載與夫般若臺內匡俗山陰共誓同期何以異也後見疾浹旬大漸斯及誠謂慈切衆侶哀泣以貞觀八年十月十一日旦遷神武丘之東寺春秋七十一其月二十二日寔於寺之南嶺遠近奔馳皂素通集花香亂空野哀慟若雲雷自古送終奚復過也惟疎幼小矜莊立性端儼精誠在操苦節彌勵口辭雜味日無再飯非義理而不履非法言而不談美貌奇姿乃超衆表牆岸整肅冰雪懷陳臨海王弟道安法師厭世出家內外通博沙門遍知學優業淨交遊二子時號三英及屏志林泉永絕人世芳風令德踈運成規莫不迴旗造山親傳香法信法海之朝宗釋門之棟幹矣講涅槃法華維摩各三十遍講觀經一百一十遍常州弘業寺沙門法宣曰余與法師昔同京縣押道華年今接善鄰敦交暮齒雖攀桂之歡或外而折麻之贈不遺想清顏之如在悲德音之已寂槐披文於色絲終寄言於貞石乃與寺主智峰等共樹高碑在於寺宇

道愬

按續高僧傳道愬姓張氏河東虞鄉人也神氣高邁器度虛簡善通機會鑒達治方千史流略嘗願遊處護法御衆誠其本據雖大通羣籍偏以涅槃攝論爲棲神之宅也與弟道謙發蒙相化俱趣曇延法師延正法城憲道俗宗歸觀屬天倫可爲法嗣乃度爲弟子荷擔陪遊樓閣講悟談述皆造下筵欣叙元奧每思擊節故聽涉乃多而持覽其綱要登預講釋屢結炎涼三晉英髦望風騰集晚往蒲州仁壽寺聚徒御化衆樹業當衢然以地居方會賓旅漢從李俗情蕪多縱凡度既行向背憎愛由生愬道會晉川行光河表日延主客資給法財皆委僧儲通濟成軌或有所遺者便課力經始周告有緣德洽氓庶爲無不遂所以方遠傳譽更振由來自番王府宰臺省羣僚並紆駕造展諮詢餘訓或怒逮不遇者心愧悚戰如謂有所失矣斯固德動物情爲若此也愬陰道自資坐鎮時俗雖復貴賤參請會無迎送加以言笑溫雅談諧賦詩接晤緣機並稱詞令而奉禁守節不妄虧盈頻致祥感時所重敬大業末歲妖氛雲奔因事返京夜停關首所投主人家有五男又勾外盜見愬馬壯欲共私之夜往其所乃見十人圍繞其馬形狀雄怒攔甲執兵衆盜同怖因之退縮細尋不見又往趣之還見如初無敢近者進退至五遂達天明既不見人知是神威乃合面歸懺焉其冥通顯益如此例也又以仁讓之性出自天心預見危苦哀憐拯濟無擇怨憎通情盡一唐初廓定未拔蒲州愬與寺僧被擁城內時有一僧恆欲危害非類加謗乃形言色惡雖

聞此會不綴慮既現不遂乃欲翻城事發將數並無救者愬涕泣辭謝於執事曰此僧爲過事屬愬身教導未通故爲罪覺此則過由愬身起宜當見戮苦復設諫執事知是其敵而不忍見愬云云遂即釋放自此已後更發仁風據事引之達量之弘者矣逮貞觀中年冬有請講涅槃者預知將終苦不受請前人不測意故鄭重延之乃告曰所以固辭者不終此席耳不免來意且復相煩遂往王城谷中道俗齊集愬登座正題已告四衆曰世界法爾不久當終取辭大衆云何偈後請寄來生遂依文叙釋恰至偈初即覺失念經纔三宿卒於山所春秋七十有五即其年十二月二十五日也閭境同號若喪考妣當夜雪降周三四里乃掃路通行陳屍山嶺經夕忽有異花遶屍周匝披地湧出莖長一二尺許上發鮮榮似款冬色而形相全異七衆驚奉悲慶誼山有折將入城示諸者宿乃內水瓶中至明年五月猶不萎悴後拔之於地方始枯矣其冥祥所感希世如此晉州有人性愛遊獵初不奉信有傳愬之祥兆達其耳者乃造山覓之花滅屍亡惟觀空處仍大哭曰生不蒙開信死不蒙花瑞一何無感必神道有徵願重垂靈相言訖地湧奇花還長尺許欣慰嘉應遂折取而歸通告鄉川由斯起信愬弟道謙學行之美少劣於兄而講解十地有聞關表以仁壽往寺既濱關路每因此輿塵地接京都亟勞人事乃願言幽通歷觀山水谷號王城因而棲處時復登高臨遠摘體風雲具引名篇高調清逸道俗賓會又聚山門談誦引心未會虛左以貞觀元年卒於山舍春秋六十七愬撫之灑淚與弟子道

基等聞毗遺陰收其餘塵散之風府追惟恩悌爲造
釋迦塹塔一區勒碑樹德沙門行友爲文焉

慧顯

按續高僧傳慧顯俗姓張氏清河人也有晉末嘉避
地居於建業焉天性通簡風神詳正治閑博達砥礪
後賢昔在志學早經庠塾業貫儒宗藝能多具父正
見有陳文國英彥所高嘉其欣奉釋門悟其神宇俊
羣不爽將欲繼世其業故有所志請並抑奪之和尚
識眞日積陳情切至若不出家誓當去世乃恐其畢
命且隸李宗既處靜觀權持中褐遂授三五祕要符
錄眞文并竿數式易禁劾等法神慧開明指掌通曉
又旁詢莊老三洞三清揚子太元葛生內訣莫不鏡
識根源究尋支派未乃思其眞際崇尚自然駐彩練
形終期羽化討尋至理若響難追卽密誦法華意歸
佛種未經時序文言並竟會陳帝度僧便預比校太
建年中便蒙勅度令住同泰剎落之後親乃知之既
是官許便印稱慶由附緇侶稟聽衆經後至前達日
增榮唱隋降陳國北度江都又止華林栖遑問法有
解法師成論名匠因從累載聽談元義稽洽先聞更
弘神略以道行成著縑素攸歸開皇末年被召京寺
於時晉王開信盛延大德同至日嚴並海內杞梓遞
互相師每日講乘五輪方駕遂得通觀異部遍覽衆
傳備討舊聞考定新軌陶津元奧慧悟彌新深鑒詞
黎漏文小道乃歸宗龍樹弘揚大乘故得中百般若
惟識等論皆欽沐神化披閱文言講導相仍用爲己
任時閑屏退成慮研思所誦法華通持猶昔并講文
義以爲來習貞慈守正不妄恭迎沙門智首道岳等

並學窮稽古架業重膏飲德欽風留連信宿詳議法
律刪定憲章歡笑而旋尋復造展武德之始皇姊桂
陽長公主造崇義寺久崇戒範義而居之世屬休明
物情望重律師元瑒道張朝市行感紫宸氣結風雲
遊從龍象每事邀延叙言友敬而謙虛成治時復栖
焉宛深啟機神彌隆致接故有出罪受戒常居無席
矣貞觀十一年夏末風疾屢增召門人曰形勢不久
將畢大辭宜各敦自愛不宜後悔福業未就以爲
慮耳乃割其冬服並用成之又曰若識神自課可有
常規恐脫昏昧非時索食一無與法後將大漸時過
索粥答曰齋時過矣便默然不言其臨終奉正爲如
此也至其年七月二十六日卒於所住春秋七十有
四葬於高陽原之西鑿穴處之後又於南山豐德寺
東巖斷石爲龕就銘表德余學年奉侍歲盈二紀慈
語溫洽喜怒不形誨以行綱曲示纖密蒸嘗御涉炎
涼不倦初受具後性愛定門啓陳所請乃曰戒淨定
明道之次矣宜先學律持犯昭融然後可也一聽律
筵十有餘載因修章句遂欣祖習貞觀初年拔思關
表廣流聞見乃跪陳行意便囑余曰出家爲道任從
觀化必事世善不可離吾因而流涕余勇意聞道暫
往便歸不謂風樹易喧逝川難靜往還十載遂隱終
天悲哉

欽定古今圖書集成博物彙編神異典

第一百五十三卷目錄

僧部列傳二十九

唐五

道宗

慧顯

智正

智拔

慧瑜

法敏

慧眺

僧辯

智微

元會

志寬

三慧

法恭

慧稜

慧持

智凱

慧瑯

靈磨

法常

元鑒

行等

神異典第一百五十三卷

僧部列傳二十九

唐五

道宗

按續高僧傳道宗姓衛氏馮翊人也行性虛融寬仁篤愛優洽成濟有名當世弱年遺俗敦務釋門專志大論講散文旨周武廢道隱形俗壤內縝明禁外附世應隋朝開教便預剎落住同州大興國寺寺即父祖之生地也房室堂塔前後增榮背城臨水重輪疊

映寺立四碑峙列方面宗於其中敷弘連席悟物既廣開洗塵心而形解雄達聽徒崇重四方賓客日別經過周給供擬者名道俗大業季曆薦候相尋丘壑填骸人民相食惟宗偏廣四恩開化氓隸施物所及並充其供故蒲州道憲同州道宗住隔關河途經即日情同拯濟騰騰實廣焉衆以德望攸歸舉知寺任統收僧侶慧旨弘被以法奇人弘成濟在律僧衆餘學彝倫斯亂乃到京室延請沙門智首中夏講說宗率其部屬三百餘人橫經承旨初不覺倦立寺極久淨地全無雖未執觸終染宿釋文至此宗乃知非衡慨晚學未成護法乃停講翻穢方進後文又常徒布薩物貴新聞衆多說欲不赴斯集及聞欲之爲教誠爲希求本是厭怠不成聖法自爾盡報躬臨說戒諸有不來量事方許無至累約言涉勤繁者皆爲之流淚露中歔歔不已其欽敬正法爲若此也貞觀十二年遭疾卒于所住春秋八十有五門徒弟子五百餘人奉佩法訓無因景仰乃竭情厚葬故輻輳連陰幢蓋相接數里之間皁白斯滿墳於城東立碑表德

三慧

按續高僧傳三慧樓煩人崇履涅槃以爲正業行流河朔名振伊瀾大業初年以學功成即下敕徵入慧日道場東都晚進元津通涉慧有功矣而神氣清嚴顧盼成則鼓言動論衆所憚焉帝以通道明機務須揚選乃敕往巴蜀搜舉藝能屬隋運告終寓居邛樊流離從物因事引生而性絕煩屑屏居弘業鄴國公寶軌作鎮庸蜀偏所諮崇服其處靜自虛致斯隆敬異等慧觀時制用故無虛影武德九年還朝京闕救

見勞問任處黃圖工部尚書段綰宿樹善因造靈化寺欽慧道素上奏住之時復闢弘重移榮影頗傳華記後學稱專貞觀年中召入參譯綴文證義倫次可崇製翻經館序控清量列贈男豐矣以其年卒於本寺春秋七十矣慧昔在絳州獨處別院感見神童形質希世致敬於慧云屈法師誡助知事勿耕基所言已便隱初來之爲述後復重來還述前事若不爲語當打彼僧必至死也登爲問之乃正耕田中故冢遂令止之由是僧侶清晏卒無後患自非立正處懷焉使非人投告故慧之垂訓不許觸犯幽顯如所引云

慧顯

按續高僧傳慧顯姓李氏江夏人本實隴西世載蟬冕遙派合於天潢遠條連於若木十一世祖西晉都亭侯重避難徂南亭子夏汭因遂家焉十歲出家師事舅氏光嚴寺明智法師智即建初之入室蒙命說以開筵乃竭志依承義門斯啓于斯時也南國令主雅重仁王每歲肆筵高選名德年纔弱冠預擬斯倫高第既臨聲唱逾遠天子目觀天人仰贊光寵國恩恭先是立及天厭陳德隋運克昌金陵講席掃土俱盡乃杖策遊吳大乘頓轉爰整其旅廣開學市遠招八挺之士以扇一極之風蘇州刺史劉權果達三德才著九能又於簡易時務依影法遙悅飲河之滿腹欣負山而無倦自有陳淪沒物我分崩或漏網以東歸或入籠而北上谷風以思相乘仗木以德相高積佇朋從咸來謁敬大業之始曲降皇華竟以疾辭逸情山水吳之高人為之宵附咸請處于邇元依瑞像而弘演有隋昏逸作梗妖氛乃避地毘陵沉默冥處

而顯靈瑞相二寺僧徒翹請弘法寺有沙門智智智猛風飢警遇不乏精神既遇通人傾心北面動則不置敏而有功並繼數揚俱馳東箭于時也刑新經典世涉屯蒙長淮已南猶稱吳國杜威專制端委君臨崇尚佛理飲茲歸戒大唐高祖掃舊布新起師臨洛徵威謁帝俯首應詔不悅於躬願為說宿因釋威憂憤達頂生之非固曉吳淩之失圖威乃接足鳴咽由斯而別有餘杭沙門道順法濟等先稟成論義同門戶不遠千里請道金陵乃覺相然諾既而敷暢至理菓木滋繁爰速施奉並無輕費於遠行龍泉二寺造金銅彌勒像各一軀坐高一丈五尺用結來生之緣也貞觀元年通元上德慧儀法師道心精粹量包山海修己安人非幾不踐東晉之日吳有白尼至誠感神無遠弗届天竺石像雙濟滄波照燭神光融耀渥瀟白尼迎接因止通元自晉距陳多顯靈瑞隋末揮颯玉石俱盡二像尊儀蒙犯霜露儀師獨苦心行切情昏曉以佛無殿僧何得安乃跋涉山谷昇景掄材不逾一年浮汎千丈履深冒險還到大吳廣開月殿指畫斯立願以風雨相感席卷而還無替兩時功兼二事有吳縣令陳士紳者排繁從義仰佛法音請講法華涅槃文講竟疲役增勞即以麈尾付囑學士智獎曰強學待問無憚慧風師逸功倍不慙康照誓言既止怡然瞑目以貞觀四年十月終于通元春秋六十有七其年十一月墳于白虎之南嶺學士弟子等千餘人哀酒傷心恐芳儀之有絕乃樹高碑江王學士諸麟為文貞觀五年弟子法韶等於墳前建塼塔五層

法恭

按續高僧傳法恭姓顧氏吳郡人也正信天發成德自然妙識悟道高情拔俗故知為道者貴其精力通方者歸其至當立朝者宗其篤誠招隱者味其閑放詳之於恭諱法侶之羽儀人倫之準的矣初生之夕室有異光爰泊撫摩便能捨俗事武丘聚法師為弟子也受具戒後聽餘杭龍公成實吧公毗曇建龍將亡乃以塵尾付囑凡斯先達皆人傑也恭既受法寄相續弘持三吳九派之流爭趨問道而勞謙終日應對不疲行高而挾如思學廣而陳面壁後言遊建業歷詢宗匠深疑碩難每祛懷抱固有無得之道大弘遺名之情斯著乃旋轉舊壤幽居于武丘山焉燒指供心痛惱之情頓遣檐窗庭殿長往之志彌存開皇中年州將劉權政成吳土心遊釋教乃嚴駕山庭屈還城邑往迴向寺既迫茲固請翻然迴慮以為體道由心道存則喪於彼我立教在迹教行則混其顛晦乃遊洛轉法通流甘露池河仰嶽均美前奇大唐闡化彌崇弘演貞觀十一年下敕赴洛常州法宣同時被召亦既來儀深降恩禮對揚展辭紛紜明像教之興滅證遺法之囑付入侍講筵既擢雅什田衣作詠仍即賜緋有威聖衷深見顏色特詔留任傳送京師四事資給務令優厚雍州牧魏王遙加欽請以為戒師恭既廣斯請供施特隆自爾朝野明達縉素清高聞風延佇望室奔湊者厥罕書矣然其廣植德本遐舉勝幢寶殿臨雲金容照日講筵初闢負笈相趨談疏纔成名都紙貴加以博通內外學海截其波濤鴻筆彫章文囿開其林藪以貞觀十四年十月六

日遷神于西京大莊嚴寺春秋七十有二履旋輿悼有識含悲降敕加以賻贈并造靈輿過給傳乘付弟子慧鷲送柩還鄉以十五年二月十五日之於武丘之南嶺道俗奔赴望途悼泣門人等師資增感歲序易馳非夫琬琰孰陳不朽乃其豎豐碑式陳碩頌中書令江陵公岑文本製序朝散大夫著作郎劉子翼製銘兩叙風聲各其志矣

智正

按續高僧傳智正姓白氏定州安喜人也家傳信奉風著弘通纔預有知便辭世網識見弘舉不羣業稚年十一將欲落髮父母諸戚對之泣淚而顏色無改師知其遠度也日授未聞隨得緣記錄為諸牒有所遺忘尋問相續身無戲掉口不妄傳奉戒精勤昏曉自策和上同師私共歎異年雖弱冠曾無驅役供膳所須恣其學問不盈數載慧聲遂遠開皇十年文皇廣訪英賢遂與曇遷禪師同入魏闕奉敕慰問令住勝光仁壽元年左僕射虞慶則欽正高行為奏寺額造仁覺寺延而住之厚禮設御正乃深惟苦本將捐此務歸靜幽林承終南至相有淵法師者解行相高京城推仰遂往從焉道味江湖不期而會因畱同住二十八年靜恭無事不涉人世有請便講詳論正理無請便止安心止觀世情言晤不附其口貞觀自諫六時無憩以貞觀十三年二月二十八日卒於本住春秋八十有一弟子智現等追惟永往感恩難顧鳩捨餘身於寺之西北鑿巖龕之銘記如在現少出家諮承法教正之箴誠略無乖錯至所著諸疏並現筆受故正之製作也端坐思惟現執紙筆承顏立侍隨

出隨書終于畢部乃經累載初不賜坐也或足疼心悶不覺倒仆正呵責曰昔人翹足七日尚有傳揚爾今纔立顛壓心輕致也其翹仰之極復何得而加焉正凡講華嚴攝論楞伽勝鬘惟識等不紀其遍製華嚴疏十卷餘並為抄記具行於世

慧稜

按續高僧傳慧稜姓申屠氏西隆人胎中父亡惟母鞠育三歲便慧思願聞法母氏憐其孤苦相從來聽襄陽潤法師三論文義之間深有領覽年至八歲其母又終無師自發獨詣邑西檀溪寺誦律師而出家十六乃往荊州茅山明法師下依位伏聽問經大意深有奇理召入房中三年曲教惟陳不有也稜於此深會其旨隋末還襄陽又逐安州高師入蜀凡有法輪皆令覆述吐言質樸談理入微時人同號得意稜也及蜀下獄稜亦同繩身被桎梏於成都縣一獄囚徒請講三論周於五遍敕還釋放便逐高還既達安州糧粒涌貴且往隨州巡里告索暮達焉所如常探聽往還三百深有足功然其報力雄猛生無一患門學所推及高力微四大退貶令代講涅槃咸怪其言謂違義時席端俊異者三十餘人將往副水百有餘日惟講三論後高患愈還返安州常於書房叙經大意外有側聽皆為漫語白晝日稜於初章全若不解明日上講請為定之及時告曰欲定初章者出來時門侶蓋衆者二十五人一一誦呈皆云不是稜最後速章句雖異皆云得意由是摩伏莫敢輕者焉之將終告曰稜公來吾今付囑最後續種自吾講來惟汝一人得經旨趣乃握稜手曰夫講說者應如履

險不貪利養不憚劬勞欲得燈傳多於山寺讀經法事並為物軌如爲一人衆多亦然如此可名報佛恩也又曰共公同涉苦辛年載不少惟以無相爲本然後言矣語已而終初未囑前稜夢神人失兩眼又見一人著青衣執寶鏡放光來印稜心既受訣已百日懷戀後還襄州紫金寺講論五年衆有三百員觀八年又還須彌講涅槃大品惟度等經至十二年三月夢鷹入寺羣鳥飛去因即散衆及司功搜訪一無所獲蔣王臨襄佛法昌顯請於梵雲相續齋講道俗翕習又復騰涌至十四年正月半有感通寺起法師曰夢見閻王請稜公講三論起公講法華如何稜曰善哉慧稜發願常處地獄教化衆生講大乘經既有此微斯願畢矣至九月末蔣王見稜氣弱遂韶州乳二兩遍令服之其夕夢見一衣冠者曰勿服此乳閻羅王莊嚴道場已竟大有乳藥至十月半黃昏時遂覺不豫告弟子曰吾五藏已崩無有痛所四更起坐告寺主寶度曰憶年八歲往龍泉寺借觀音未至者聞已講三遍故如目前言未訖外有大聲告曰法師早起燒香使人即到度曰何人答曰閻羅王使迎後即起燒香洗浴懺悔禮佛訖還房中與度別食粥未了便取一生私記焚之曰此私記於他讀之不得其致矣至小食時異香忽來稜飯客便卒即十四年十月十六日也春秋六十有五合境僧衆七日七夜法集功德將王贈絹五十疋送於鳳林山元素同集五千餘人開講設齋終日方退云

智拔附法長

按續高僧傳智拔姓張襄陽人幼年清悟雅好道法

六歲出家初爲潤師弟子潤頗有濟器乃攜付哲法師哲亦襄川僧望具之別傳初誦法華日通五紙經中理路略有規模惟日斯經諸佛出世之大意也一人一道非弘不通誓畢依持開悟蒙俗周聽乃洽承帝京上德吉藏法師四海標領三乘明匠尋詣奉旨欣擊素心首尾兩通命令覆述英俊鼓言無非亂轍藏親臨坐拔問衆曰一乘爲實遂分爲三亦可一乘爲兩分爲三不衆無敢答藏曰拔公此問深得旨矣乃囑累大法必在機緣於是還襄會賊徒擾攘無由講晤晝藏夜伏私蘊文義後值清平住者闡寺恆在常濟講法華經年別五遍門人法長後生穎萃見住梵雲領徒承業員觀十四年九月十七日於清信士張英家宿集監義開法華題或問今昔開覆三一之旨者答對如風響解悟啓時心便告稜法師曰智拔答畢須臾來難盡皆神詣今與鄉里大德檀越等相別時不測其言也遂即潛然迫而察之已遷化矣合境元素嗟惋驚異顏狀如生腳坐堅正蔣王躬臨燒香供養贈物百餘段墓所設五千人齋春秋六十八矣

慧持

按續高僧傳慧持姓周汝南人也開皇初年父任豫章太守因而生焉少機警美姿制栖遊之方欣其言悟履歷名邦將挹造化初達丹陽開善寺投滿法師而爲息慈令誦大品日通五紙斯經易誦難持而能文句無爽時共美之本年登冠其身長七尺色相光偉執持威容不妄迴盼故俗又目曰象王持也乃聽東安莊法師又聽高麗實法師三論鈞探幽極門學

所高兼善老莊易史談元之次寄言法理越公楊索治兵淮海聞風造展歎其清悟曰斯實絕倫之僧也隋末避難往越州住弘道寺常講三論大品涅槃華嚴莊老累年不絕立志堅白書翰有聞不出寺門將三十載脚坐不臥勤苦至終以貞觀十六年八月二十三日且告弟子曰吾欲往他方教化急作食及時至三下前食還房脚坐繩牀斂容而逝弟子謂言入定三日任之會稽丞杜伏護者疏素長齋依常參拜聞有異香方知入化脚結鐙然申而不得乃坐送大禹山都督已下元素萬餘人悲歎相嗟至於殮所春秋六十八矣

慧瑜

按續高僧傳慧瑜姓岑氏少孤窘三歲二親俱喪養於舅氏五歲隨外祖往長沙寺聽講見佛啼泣慈慕不肯還家遂任之爲寺救苦法師弟子令誦大品五十四日中一部通利曉聽三論大品鏡其宗領隨有行文觀用明的逢難入玉泉山寺側有泉旁作草庵於中晏坐二十三年初無暫離觀心純淨未可言觀泉神供奉時或見聞黑蛇一頭長二丈許隱顯現身如守護相羣賊雖來無敢近者有老賊張赫仰者勇悍無前攜引十賊身挾兩刀欲殺此蛇去二百步蛇乃張目出光賊徒皆倒經兩日間瑜覺往救七人已死蛇隨瑜行爲誦大品大明呪訖三人方活於是四遠聞風往造供施委積貞觀十年荊州道俗請出昇覺寺講三論大品開化未聞佛法由盛十四年七月二十三日合寺同見羣星入井不測其故至八月十七日講大品至往生文未訖手執如意於座而卒春秋

七十有九

智凱

按續高僧傳智凱姓馮氏丹陽人父早亡六年聽吉藏法師法華火宅品夜告母曰經名火宅者只我身耳若我是火宅我應燒人既其不燒明知無我終夜達朝詣藏出家身相黑色故號烏凱年十三覆藏經論縱達論並不拘檢約隨藏會稽嘉祥等寺門人英達無敢右之及藏入京即還靜林聚徒常講武德七年刺縣立講聽徒五百貞觀元年往餘姚縣小龍泉寺常講三論大品等經誓不出寺脇不親席不受供施自食而已佛殿之後忽生一池便曰只飲此池可以卒耳爲性慈仁言極廣厲時越常俗多棄狗子凱聞憐之乃令拾聚三十五十常事養育甞被臥寢不辭汗染至十九年齊都督請出嘉祥令講三論四方義學八百餘人上下僚庶依時翔集用爲典顯百有餘日日論十人答對冷然消散無滯初發龍泉小池即竭凱聞嘆曰池竭食亡吾無返矣至二十年七月二十八日依常登座手執如意默然不言就殮已終乃脚坐送大禹山七日供養常有異香州宰目殮深發堅信乃起塔七層以旌厥德云爾

法敏

按續高僧傳法敏姓孫氏丹陽人也八歲出家事英禪師爲弟子入茅山聽明法師三論明即與皇之遺屬也初明公將化遍召門人言在後事令自舉處皆不中意以所舉者並門學有聲言令目屬朗曰如吾所舉乃明公平徒侶將千召明非一皆曰義旨所擬未知何者明耶朗曰吾座之東柱下明也明居此席

不移八載口無談述身無妄涉衆目疑明既有此告莫不迴改私議法師他力扶矣朗曰吾舉明公必駭衆意法教無私不容瑕隱命就法座對衆叙之明性謙退泣涕固讓朗曰明公來吾意決矣爲靜衆口聊舉其致命少年捧就傳坐告曰大衆聽今問論中十科深義初未嘗言而明已解可一一叙之既叙之後大衆慨伏皆慚謝於輕慢矣即日辭朗領門人入茅山終身不出常弘此論故與皇之宗或舉山門之致者是也敏採摘精理出聽東安言同意異更張部別年二十三又聽高麗實公講大乘經論躬爲南座結軫三周及實亡後高麗印師上蜀講論法席凋散陳氏亡國敏乃歸俗三年潛隱還襲染衣避難入越住餘姚梁安寺領十沙彌講法華三論相續不絕貞觀元年出還丹陽講華嚴涅槃二年越州田都督追還一音寺相續法輪於時衆集義學沙門七十餘州八百餘人當境僧千二百人尼衆三百士俗之集不可復紀時爲法慶之嘉會也至十九年會稽士俗請住解林講華嚴經至六月末正講有蛇懸半身於殿頂上長七尺許作黃金色吐五色光終講方隱至夏訖還一音寺夜有赤衣二人禮敏曰法師講四部大經功德難量須往他方教化故從東方來迎法師弟子數十人同見此相至八月十七日爾前三日三夜無故聞冥恰至二十三日將近忽放光大夜明如日因爾遷化春秋六十有七身長七尺六寸停喪七日塔表放光地爲震動異香不滅莫不怪歎俗信莊嚴送於隆安之山焉

慧瑛

按續高僧傳慧琳姓董氏少出家襄川周滅法後南往陳朝入茅山聽明師三論又入栖霞聽懸布法師四論大品涅槃等晚往安州大林寺聽圓法師釋論凡所遊刃並契幽極又返鄉梓住光福寺會亂入城盧總管等請在官舍講華嚴經僧徒擁聚千五百人既屬賊圍各懷翹敬不久退散深惟法力唐運斯泰又住龍泉三論大經鎮常弘開兼達莊老子史談笑動人公私榮達參問繫結將紀諸王五臨襄郛躬申敬奉坐鎮如初王出門顧曰迎送不行佛法之望也由此聲譽又遠漢南貞觀二十三年講涅槃經四月八日夜山神告曰法師疾作房宇不久當生西方至七月十四日講孟蘭盆經竟斂手曰生常信施今須通散一毫已上捨入十方衆僧及窮獨乞人并諸異道言已而終於法座矣春秋七十有九惟禪立性虛靜不言人非賓客相投欣若朋友面常含笑慈育在懷涉獵元儒通冠文彩襄荆士素咸傾仰之聞其長往無不墮淚初住光福寺居山頂引汲爲勞將移他寺夜見神人身長一丈衣以紫袍頂禮瞻曰奉請住此常講大乘勿以小乘爲慮其小乘者亦如高山無水不能利人大乘經者猶如大海自止此山多佛出世一人讀誦講說大乘能令所住珍寶光明眷屬榮勝飲食豐饒若有小乘前事並失惟願弘持勿孤所望法師須水此易得耳來月八日定當得之自往劍南慈母山大泉請一龍王去也言已不見恰至來月七月初夜大風卒起從西南來雷震雨注在寺北漢高廟下佛堂後百步許過夜相續至明方住惟見清泉香而且美合衆同幸及亡龍泉漸便乾竭據斯

以言亦通感之奇致矣
慧琳

按續高僧傳慧琳姓莊氏少出家以小乘爲業遊學齊徐青海諸州數論之精馳譽江漢開皇末年還住鄉壤之報善寺承象王哲公在下龍泉講開三論心生不忍曰三論明空講者著空當發言訖古出三尺鼻眼兩耳並皆流血七日不語有伏律師聞其撻略大乘舌即提出告曰汝大癡也一言毀經罪過五逆可信大乘方可免耳乃令燒香發願懺悔前言舌還收入便舉往哲所誓心斂迹惟聽大乘哲之云亡爲設大齋於墓又建七處八會廣請道俗百口既滿即往香山神足寺足不踰閭常習大乘每勸諸村年別四時講華嚴等經用陳懺謝常於衆中顯陳前失獨處一房常坐常念貞觀十一年四月三日在寺後松林坐禪見有三人形貌都雅赤服禮拜請受菩薩戒訖白曰禪師大利根若不改信心大乘者千佛出世猶在地獄聞此重囑涕淚交流大哭還寺在講者房前宛轉嗚咽不能得言以水灑醒乃更大哭連佛懺悔用此爲常又勸化士俗造華嚴大品法華維摩思益佛藏三論等各一百部至十三年三月九日中時佛前禮懺因此而終春秋八十餘矣自終七日林樹變白大泉渾濁過此方復斯亦知過能改無過者同誠可嘉矣寺去城邑將五十里從受歸戒者七千餘人填赴山阿爲建大齋於墓所三十法師各開一經用津靈造

靈睿

按續高僧傳靈睿姓陳氏本惟穎川流寓蜀部益昌

之陳鄉也祖宗信於李氏其母以二月八日道觀設齋因乞求子還家夢見在松林下坐有七寶鉢於樹顛飛來入口便覺有娠即不喜五辛諸味及其誕已設或食者母子頭痛於是遂斷八戒二親將至道士所令誦步虛詞便面孔血出遂不得誦還家入田遇見智勝法師便曰家門奉道自欲奉佛隨師出家即將往益州勝業寺爲沙彌一夏之中大品暗通開皇之始高麗印公入蜀講三論又爲印之弟子常業大乘後隨入京流聽諸法大業之末又返蜀部住法聚寺武德二年安州高公上蜀在大建昌寺講開大乘禪止法筵三年後還本住常弘此部經二年許寺有異學成實朋流嫌此空論常破吾心將與害意磨在房中北壁而止初夜還牀栖還不定身毛自豎移往南牀坐至三更忽聞北壁外有物撞度達於臥處就而看之乃漆竹箭梁長二丈許向若在牀身即穿度既害不果又以銀鋌雇賊入房磨坐案邊覓終不獲但有一領甲在常坐處磨知相害之爲惡也即移貫還綿州益昌之隆寂寺身相黑短止長五尺言令所及通悟爲先常講大乘以爲正業貞觀元年通州壽禪師作檀越盡供給三百聽衆至七年八月二十五日夜磨夢見衣冠者來迎駕往西方去徒衆鉢中皆空無物至三十日寺鐘大小七口銅磬十餘一時皆鳴至三更據繩牀而坐而終磨自此後周流講唱傳化不絕至二十年八月二十四日三更大風忽起高聲言曰靈睿法師來年十月往南海大國光明山西阿觀世音菩薩所受生也至期十月三日合寺長幼道俗見旛華菩薩滿寺而下午晚講入房看疏讀經

外有僧告藤花異香充寺及房齋間捉經出看敘容立終堅住不倒扶臥房中三更忽起腳坐如生刺史已下躬手付香供養其屍道俗相送歸東度山設大會八千人時年八十三矣然其潔清童稚過中不飲葷辛莫嘗具盡報云

僧辯

按續高僧傳僧辯俗姓張南陽人也渚宮陷沒入關住於馮翊焉年甫七歲日誦千言時以奇之聲於鄉壤十歲欣仰道法思欲出家局以公憲未蒙剝落乃聽維摩仁王二經文義俱收昇座覆述宣吐牧理有稱於時先學大德相顧曰吾等沒後不足憂也此人出家紹隆遺法矣開皇初年勅遣蘇威簡取三千人用充度限辯年幼小最在末行輕其行業召令口誦言詞清囀章句契斷神明堅正見者矚目由是大蒙嗟賞餘並不試同得出家受具已後尋尋經論時有智疑法師學望京華德隆岳表辯從問津乃經累載承席覆述允益同倫遂復旁疏異解曲有正量識者食悟擊其大節大業初咸召入大禪定道場衆復屯之欣其開解武德之始步出關東蒲盧陝就大弘法化四遠馳造倍勝初聞嘗處芮城將開攝論露綬而聽李釋同奔序元將了黃巾致問酬答乃竟終誦前開辯曰正法自明邪風致翳雖重廣誦不異前通黃巾高問轉增愚更謂其義壯忽旋風勃起徑趣李宗綬倒掩抑身首煩擾冠幘交橫水髮紊亂風至僧倫帖然自滅大衆笑異其相一時便散明旦入文報然莫集辯雖乘此勝而言色不改時共伏其異度也貞觀翻經被徵證義弘福寺立又召居之雖屢處以

英華而情不存得長約時講說不替寒溫異學名實皆欣預席故使大海之內外僧徒華夷不遠萬里承風參謁俱舍一論振古未聞道岳法師命章構釋辯正講論廢而聽之隨開出鈔三百餘紙或聞初開法肆或中途少閑但有法座無論勝負咸預位席橫經而聽斯渴法之深良未備矣而謙讓知足不重榮勢名滿天下公卿咸委而不識其形也皆來覓之辯如常威儀不變其節任其來去會無迎送時儻倫諸德以此懷尚而不能行也以貞觀十六年六月十三日卒於弘福寺春秋七十有五於時炎職赫盛停屍二旬而相等生存形色不變迄於葬日亦不腐朽於時亢旱積久埃塵漲天明當將送夜降微雨故得幢蓋引列俱得昇濟七衆導從不疲形苦殯於郊西龍首之原鑿土爲窆處之於內門通行路道俗同觀至今四年鮮肌如在自辯置懷慈濟愛法爲功路見貧苦不簡人畜皆盡其身命濟其危厄講聽之務惟其恆習其攝論中邊惟識思慮佛性無性論並具出章疏在世流布

法常

按續高僧傳法常俗姓張氏南陽白水人也高祖隆仕魏因移於河北郡焉少踐儒林頗知梗槩而厭其誼難情欣出家奉戒自守不羣非類霜懷標舉爲衆所推年十九投曇延法師登蒙剝落既預聽限大闢宏猷學不逾歲即講涅槃道俗聽者咸奇理趣自爾專親侍奉曉夕諮謀每擊幽致延仰其情理深當乃摩頂曰觀子所涉必住持正法矣於即研精覃思無釋寸陰時年二十二攝論初興隨聞新法仰其弘義

於時論門初開師學多遂封守舊章鮮能通覺常乃博聽衆鋒校其銛銳秦齊趙魏靡不周行時積五年鑽覈名理至於成實毗華嚴地論博考同異皆爲軌轍末旋踵上京慨茲異叙隨講出疏示顯羣迷隋齊王陳昭結時望盛演釋經登預法座敷陳至理詞義弘遠罕得其門會共美之嘉歎成俗遂有胥徒歸湊相續依承四時講解以爲恆任大業之始榮唱轉高爰下勅旨入大禪定相尋講肆成濟極多唐運初興遐邇清晏四遠投造增倍於前每席傳燈播揚非一貞觀之譯證義所資下勅徵召恆知翻任後造普光宏壯華嚴又召居之衣服供給四時隨改又下勅令爲皇儲受菩薩戒禮敬之極衆所傾心貞觀九年又奉勅召入爲皇后戒師因即勅補兼知空觀寺上座撫接客舊妙識物心弘導法化長鎮不絕前後預聽者數千東蕃西鄙難可勝述及學成返國皆爲法匠傳通正教於今轉盛新羅王子金慈藏輕忽貴位棄俗出家遠聞虔仰思觀言令遂架山航海遠造京師乃於船中夢想顏色及觀形狀宛若夢中悲涕交流欣其會遇因從受菩薩戒盡禮事焉十四年有僧犯過下勅普責京寺大德綱維因集於元武門召常上殿論及僧過常曰僧等蒙荷恩惠得預法門不能躬奉教綱致有上聞天聽特由常等寡於訓誨恥愧難陳遂引涅槃付囑之旨上然之因有大理獄囚百有餘人又延設供食訖而退及李道居先不勝此位率僧還駕隨類表上既不蒙遂因染餘疾的無痛所右脅而終於住寺春秋七十有九即貞觀十九年六月二十六日也至七月二日葬於南郊高陽之原時

炎旱既久埃塵野日逮至發引之前夜降微雨及於明旦天地清明雲霧四除纖塵不作道路無擁京寺僧侶門人子弟等各建修幢三十餘事前後威儀四十餘里信心士女執素幡花列侍左右乃盈數萬卿相價從僉以榮之初常涉詣義門妙崇行解故衆所推美歸於攝論而志之所尚宗慕涅槃恆欲披講未之欣悟遂依衆請專弘此論陶冶理味精貫懷依時赴講全無讀誦纔有餘暇課業行道六時自勵片無違缺有大神王冠服皆素率其部從隨其旋遠道俗時見密以高之又曾宵夜至佛堂中壁畫諸天一時起舞後於中夜又在佛堂觀音菩薩從外入戶上住空中身相瓊琦佩服瓔珞晃發希有良久便滅後經五年天將欲曙又感普賢菩薩從東而來去地五六丈許常之專精微應爲如此也故立志清峻逾久逾劇所獲法利多造經像但務奇妙不言其價咸建檀會終盡京師自所服用蠶飯而已外施別供一不受之還布衆中持操無改著攝論義疏八卷元章五卷涅槃維摩勝鬘等各垂疏記廣行於世弟子德遷等爲立碑於普光之門宗正卿李伯業爲文

智微

按續高僧傳智微俗姓焦澤州高平人也年十三志樂出家不希世累住本州清化寺依隨遠法師聽涉經論於大涅槃偏洞幽極故齒年學稔爲諸沙彌之卓秀者也立性勤恪樂理僧務每有執役不憚形苦晝供衆僧夜讀章疏衣不解帶研精無怠受具已後神思高正戒行明潔平恕儉約見者欽屬欲慕弘道歲常講涅槃十地地持維摩勝鬘用爲恆業聲務廣

被遠近追風提襪裹糧尋造非一隋煬御曆珍敬彌隆大業七年下詔延請入於東都內道場禮異恆倫日增榮供微立操自昔一不受之盈尺之貲不附箱囊率性超然不妄傾渥但專講誦宣導爲先僞鄭之初洛城恆開微以兵戈方始開悟未因乃杖錫出城思濟鄉壤於時守衛嚴防梗澀難通而微安行限闕守當不覺斯固善神之所送也既達高平道俗欣赴世接此難饑餒相委乃道以糧拯濟實多素素賴之皆餐法味便即四時長講屢有升堂外施衣帛悉供講衆頗值儉歲米食不豐異客舉來兩倍過舊微以聽侶不安爲營別院四方學士同萃其中財法兩施無時寧舍懷州都督國公張亮欽挹德教遠近講說道俗屯赴又結河陽乃講爲菩薩戒師珍敬道風暫爲善友夏講涅槃解衆便覺少不念衆咸怪之還房靜念俄頃便逝春秋七十九即貞觀十二年三月二十日也懷州道俗哀若至親送葬歸於本邑自微之至遠門也教法尊人誠孝第一每登法席講析幽通皆云大法師意如此因即聲淚俱下常謂諸徒曰父母生吾肉身法師生吾法身思報此恩何由可逮惟有弘教利物薄展余懷耳所以每歲常講不敢告勞以惟斯故也兼以課已行業無虧六時手執香爐約數承禮夜不解衣一生恆爾清素寡欲不樂交遊敷化之餘便營僧事故澤部長幼詠仰於今

元鑒

按續高僧傳元鑒俗姓焦澤州高平人也天性仁慈志樂清潔酒肉葷辛自然厭離十九發心投誠釋種受重松林終日庇其下忘遺食息後住清化寺依止

遠公聽採經論於大涅槃深得其趣隋末末齡賊徒交亂佛寺僧坊並隨灰燼衆侶分散顛仆溝壑鑒守心戒禁曾無僣犯食惟蔬菜衣則緇麻屨經歲序情無攀躐及至年穀豐熟還返故鄉招集緇素崇建法席勸諸信識但故伽藍皆得營役有故塔廟並令塗掃遂使合境莊嚴赫然榮麗奉信歸向十室其九兼以正性敦直言行相高行值飲噉非法無不面陳訶毀極言過狀不避強禦或與語不受者便碎之酒器不酬其費故諸俗士聚集離飲聞鑒來至並即奔散由是七衆尊虔敬其嚴厲重其清貞數有繕造工匠繁多豪族之人或遺酒食鑒云吾今所營必令如法乍可不造無容飲酒遂即止之時清化寺修營佛殿合境民庶同共崇建澤州名長孫義素頗奉信聞役工匠其數甚衆乃送酒兩甌以致之鑒時檢校營造見有此事又破酒器復藉地上告云吾之功德乍可不成終不用此非法物也義聞大怒明欲加惱夜夢有人以刀臨之既忽驚寤即事歸懺又遇疫氣死亡非一皆投心乞命鑒爲懺悔令斷酒肉病者痊愈時大重之有鄉人李遷者性偏嗜酒既遇時氣無由自濟遂悔酒過爲死調俄雨鑒至無何便去遷遂除差因爾永離飲酒並不涉言縱忽聞氣如達毒勢告其友曰自見鑒師已來尚不喜聞况當見也故戒節冥感皆此之類於今神志貞亮每講涅槃十地維摩四時不輟春秋八十有二初鑒以傳法之務職司其憂衆侶乖儀則輒彈驅擯時俗貪訝其便直也及武德六年當部漢澤縣李錄事者死經七日隱身謂妻曰吾是李錄事也計吾猶得六年在世但爲司命杜